

Ágætu félagsmenn.

Aðalfundur Veiðifélags Árnesinga verður haldinn á Hótel Selfossi fimmtudaginn 3. júní 2021.

Á aðalfundinum verður tekin fyrir veiðitilhögun fyrir þetta ár 2021 og sameiginleg tillaga stjórnar Veiðifélags Árnesinga og Estherar Guðjónsdóttur, formanns Stóru-Laxárdeildar, að nýtingaráætlun fyrir félagið fyrir árin 2022 - 2026. Tillagan að nýtingaráætlun byggir á því meginverkefni félagsins að tryggja sjálfbærni laxastofnanna og vegna minnkandi fiskgengdar er mikilvægt að félagið taki frumkvæði og kveði á um auknar takmarkanir á veiði. Nýtingaráætlunin kveður á um veiðitilhögun til 5 ára. Sú breyting er gerð frá núverandi veiðitilhögun að stangveiði á laxi hefst fyrir en netaveiði og ræður m.a. þeirri breytingu að hægt er að sleppa laxi eftir veiði á stöng. Breytingar á seiðapóttleika ráða því hvort endurskoða skuli nýtingaráætlunina á gildistíma hennar. Stjórnin leggur til að félagið hætti að halda eftir 10 veiðidögum til að standa straum af kostnaði við rekstur félagsins og lengist því veiðitímabilið sem úthlutað verður til félagsmanna sem því nemur.

Stjórn félagsins skipaði nefnd til að gera tillögur að gjaldskrá félagsins. Í nefndinni voru Drífa Kristjánsdóttir, Torfastöðum, formaður Tungufljótsdeildar, Esther Guðjónsdóttir, Sólheimum, formaður Stóru-Laxárdeildar, Kjartan Helgason, Haga í Grímsnesi og Ólafur Þór Þórarinnsson, Laugardælum, stjórnarmaður í Veiðifélagi Árnesinga. Nefndin leggur til að þeir félagsmenn sem nýta veiðirétt sinn, hvort sem þeir hafa tekjur af veiði eða ekki, greiði rekstrarkostnað félagsins. Hætt verði með 10 daga kerfið og miðað verði við að allir sem nýti veiðirétt sinn greiði tiltekið hlutfall af meðal brúttóveiðitekjum síðustu 3ja ára eða ígildi veiðitekna sinna til félagsins. Undanfarin ár hefur kostnaður við rekstur félagsins verið um 5 milljónir króna. Miðað við þann kostnað er áætlað að félagsmenn þurfi að skila um 7% af veiðitekjum eða ígildi þeirra til að standa undir rekstri félagsins. Ef rekstrarkostnaður félagsins eykst gæti þurft að hækka prósentuna.

Í stang- og netaveiði greiðast 7% af áætlun eða meðal brúttóveiðitekjum síðustu 3ja ára nema þar sem veiði fylgir þjónusta og gisting í veiðihúsi. Í þeim tilfellum er stjórn falið að semja um hver hlutdeildin eigi að vera.

Í stang- og netaveiði greiðist þó aldrei minna en 7% af gjaldi (ígildi veiðitekna) sem reiknað er út frá meðalveiði síðustu 5 ára og meðalsöluverði lax og silungs.

*Dæmi: Meðalveiði jarðar er 50 laxar og 10 silungar = (50 x 3.000 + 10 x 1.200) * 7% = 11.340 kr til félagsins.*

Gjaldkeri sendir út greiðsluseðil byggðan á áætluðum tekjum eða veiði og gefst félagsmanni síðan tækifæri á að leiðrétta þá áætlun telji hann tilefni til en að öðrum kosti greiðir hann í samræmi við áætlun. Lágmarks áætlun verður 150.000 kr. sem skila 10.500 kr. til félagsins.

Stjórn Veiðifélags Árnesinga er sammála um að leggja fyrir aðalfund að samþykkja þessa tillögu nefndarinnar að gjaldskrá fyrir árið 2022. Hún byggir á samkomulagi þeirra sem eru að nýta veiðihlunnindi sín og víkur því frá gildandi arðskrá sem er einnig gjaldskrá samkvæmt lögum um lax- og silungsveiði.

Vilji félagsmenn koma á framfæri athugasemdum til stjórnar, t.d. vegna nýtingaráætlunar, eða fá nánari upplýsingar geta þeir leitað til formanns í síma 892-0372 eða jorundur@logbyli.is

Kaldaðarnesi, 19. maí 2021, Jörundur Gauksson, formaður Veiðifélags Árnesinga.

ÁRBORG	
Bnrn: 15.51	Mótt: 20.05.21
Abm: G+H	Mnr: 2009832

Aðalfundarboð

Aðalfundur Veiðifélags Árnesinga verður haldinn á Hótel Selfossi, fimmtudaginn 3. júní 2021, kl. 13:30.

Grímuskylda verður á fundinum og borð númeruð. Starfsmaður hótelsins mun ganga á milli borða og skrá niður nákvæmar upplýsingar um fundarmenn. Fundarmenn eru hvattir til að takmarka samskipti sín við aðra fundarmenn eins og kostur er og gæta að öðrum sóttvörnum.

Dagskrá fundarins:

1. Fundarsetning ásamt sameiginlegri tillögu stjórnar um fundarstjóra og fundarritara.
2. Sameiginleg tillaga stjórnar um fulltrúa til að kanna framkomin umboð og skrá þau.
3. Skýrsla stjórnar, Jörundur Gauksson, formaður.
4. Endurskoðaðir reikningar félagsins fyrir árið 2019 og 2020 lagðir fram og skýrðir.
5. Fjárhagsáætlun fyrir árið 2021 lögð fram.
6. Umræður um skýrslu stjórnar og afgreiðsla reikninga og fjárhagsáætlunar.
7. Fiskirannsóknir. Magnús Jóhannsson, fiskifræðingur og Hlynur Bárðarson, líffræðingur, hjá Hafrannsóknarstofnun.
8. Sameiginleg tillaga stjórnar um tilhögun veiði fyrir árið 2021. Lagt er til að hún verði órbreytt frá liðnu ári 2020.
9. Sameiginleg tillaga stjórnar að nýtingaráætlun fyrir félagið árin 2022 - 2026.
10. Sameiginleg tillaga stjórnar um nýtt innheimtufyrirkomulag í stað 10 daganna.
11. Umræður og afgreiðsla á tillögum stjórnar.
12. Stjórnarkjör. Kosið verður um fjóra stjórnarmenn þar sem ekki var haldinn aðalfundur í fyrra.
13. Kjör skoðunarmanna.
14. Önnur mál.
15. Fundarslit.

Það er félagsmanna að tilkynna um breytingar á félagsaðild og heimilisföngum til formanns. Þessar upplýsingar geta haft áhrif á atkvæðaskrá félagsins en hún ræður því hver fari með atkvæðið. Um atkvæðisréttinn fer eftir 40. gr. laga nr. 61/2006.

Kaldaðarnesi II, 19. maí 2021, f.h. stjórnar Veiðifélags Árnesinga,

Jörundur Gauksson, formaður. Kaldaðarnesi II, 801 Selfoss. jorundur@logbyli.is S. 892-0372.

Nýtingaráætlun Veiðifélags Árnesinga fyrir lax- og silungveiði 2022 – 2026



----- Bergvatn
----- Jökulvatn

Efnisyfirlit:

I. Lög og reglur sem nýtingaráætlun Veiðifélags Árneseinga byggir á.

II. Vatnasvæði Ölfusár – Hvítár.

III. Fiskar.

IV. Veiði, veiðinýting og rannsóknir.

V. Markmið, gildistími og endurskoðun nýtingaráætlunar Veiðifélags Árneseinga.

VI. Áætlun um veiðinýtingu.

1. Ráðstöfun veiði.
2. Veiðitími og veiðiaðferðir.
3. Reglur um netaveiði.
4. Reglur um stangveiði.
 - 4.1 Lagaákvæði.
 - 4.2 Agn og laxastangafjöldi.

I. Lög og reglur sem nýtingaráætlun Veiðifélags Árneseinga byggir á.¹

Í lögum nr. 61/2006, um lax og silungsveiði, eru ákvæði um veiðinýtingu og nýtingaráætlanir. Byggir þessi nýtingaráætlun Veiðifélags Árneseinga á þeim og samþykktum félagsins nr. 991 frá 10. október 2008 auk rannsókna Hafrannsóknastofnunar á fiskistofnum vatnasvæðisins.

Byggir nýtingaráætlunin á þeirri forsendu að félagið ráðstafi veiði til félagsmanna þannig að þeim sé frjálst hverjum fyrir landi sinnar jarðar að veiða.

Af ákvörðun aðalfundar um að félagsmönnum sé frjálst hverjum fyrir landi sinnar jarðar að veiða leiðir að ekki verður í nýtingaráætluninni kveðið á um aðrar takmarkanir á veiði en byggja á friðunargrundvelli með stoð í lögunum.

II. Vatnasvæði Ölfusár – Hvítár.

Veiðifélag Árneseinga telur til fiskgenga hluta vatnasvæðis Ölfusár-Hvítár og nær til jarða við Ölfusá, Hvítá, og þveráa þess. Önnur veiðifélög eru um vatnasvæði Tungufljóts ofan við fossinn Faxe og um Varmá-Þorleifslæk en á þau svæði er einnig fiskgengt frá sjó. Starfræktar eru deildir við Tungufljót og Stóru-Laxá en að öðru leyti er ekki um deildarskiptingu að ræða.

Vatnasvið Ölfusár við ós er 6.100 km². Ölfusá er vatnsmesta á landsins með meðalrennsli um 400 m³/s. Upptök Hvítár eru í Hvítárvatni undir Langjökli. Hvítá fær einnig jökulvatn frá

¹ Ákvæðin eru að finna aftast í skjalinu.

Hofsjökli og frá Hagafellsjökklum um Hagavatn. Hagafellsjökklar skriða reglulega fram og valda aurflóði í Hvítá og Ölfusá, síðast árið 1999.

Hvítá er fiskgeng að Gullfossi um 95 km frá sjó. Helstu þverár Hvítár að austan eru Dalsá-Fossá og Stóra-Laxá. Litla-Laxá fellur til Stóru-Laxár nálægt ósi hennar við Hvítá. Að vestan renna, talið ofan frá; Tungufljót, Brúará, Slauka sem er afrennsli Hestvatns, Höskuldslækur og Sog. Heitir aðalain eftir það Ölfusá. Til Ölfusáróss rennur að vestan Varmá – Þorleifslækur. Fiskgengt er frá sjó í þessar ár ásamt smærri læki. Samtals er fiski gengt frá náttúrunnar hendi í um 288 km, þ.a. er meginvatnsfallið Hvítá og Ölfusá um 93 km. Tungufljót er fiskgengt frá náttúrunnar hendi að Vatnsleysufossi (Faxa) en vegna stiga þar er nú fiskgengt að Nátthagafossi, einnig er gengt fiski í þverár þess ofan stigans. Samtals er fiskgengi hluti Tungufljóts og þveráa þess um 39km. Fiski er gengt í um 22,5 km² af stöðuvötnum.

III. Fiskar.

Hafrannsóknastofnun hefur stundað rannsóknir á vatnasvæðinu samfelld frá árinu 1986. Rannsóknir á seiðabúskap hafa m.a. leitt í ljós að á fiskgegna hluta ána er lax víðast hvar ríkjandi tegund, einkum í hlýrri og frjósamari ánum. Hrygning og uppeldi laxa er að finna bæði í þveránum sem jökulvatninu. Bleikju er helst að finna í kaldari hluta vatnasvæðisins einkum í lindánum, Sogi og Brúará, og efst í Hvítá. Uppeldi urriða er víða, einkum í smærri lækjum og í Ölfusá og Hvítá. Á vatnasvæðinu er einnig áll og flundra er í Ölfusárósi.

IV. veiði, veiðinýting, rannsóknir og veiðiskráning.

Veiðar laxfiska hafa lengi verið stundaðar á vatnasvæðinu og er tilgangur félagsins með nýtingaráætlun að tryggja sjálfbæra nýtingu fiskistofna samkvæmt 1. gr. og 3. gr. 37. tl. laga nr. 61/2006 um lax- og silungsveiði.

Frá árinu 1958 hafa veiðiréttarhafar ráðstafað lax- og silungsveiði sjálfir hver fyrir sínu landi. Hafa þeir ýmist leigt út stangveiðina, selt stangveiðileyfi, veitt sjálfir á stöng eða stundað netaveiði. Tungufljót og Stóra-Laxá eru einu árnar sem leigðar eru út til stangveiði í heilu lagi. Netaveiði er nú eingöngu stunduð í Ölfusá og Hvítá. Þar er einnig stunduð stangveiði en í þveránum er eingöngu stunduð stangveiði. Samhliða laxveiði er stunduð silungsveiði, bæði er um að ræða veiðar á staðbundnum og sjógengnum fiski. Á sumum veiðisvæðum, s.s. víða í Brúará og í Ölfusárósi, gefur stangveiði eingöngu silung. Merkingar á sjóbirtingi sýna að birtingur sem veiðist í Ölfusárósi er ekki eingöngu upprunninn af vatnasvæðinu heldur er einnig úr nálægum ám s.s. Þjórsá.

Veiðiálag hefur breyst í gegnum árin, sókn í netaveiði hefur minnkað en aukist í stangveiði.² Aukist hefur að sleppa fiski efir stangveiði og er skylda að sleppa á tilteknum tímabilum.

Vegna blandaðrar veiði í net og stöng og einnig vegna jökulvatns í meginfarvegi og bergvatns í hliðarám þarf að horfa til margra mismunandi þátta við veiðistjórnun og hefur Veiðifélag Árnesinga lagt og mun á gildistíma þessarar nýtingaáætlunar leggja áfram áherslu á rannsóknir, fylgja varúðarreglu og veiðiráðgjöf Hafrannsóknastofnunar. Áfram verður haldið

² Á árunum eftir 1958 voru netin um 60 til 80 og lax veiddur með um 20 stöngum (Þór Guðjónsson 1964). Árið 2018 voru jarðimar sem stunduð netaveiði um 17 talsins og veitt var á um 87 laxveiðistangir.

rannsóknnum í samvinnu við Hafrannsóknastofnun og leitað leiða til þess að mæla stofnstærð laxfiska á vatnasvæðinu og áhrif stang- og netaveiða á hrygningastofninn. Lögð verður áhersla á úrræði til að takmarka það tjón sem rennslissveiflur virkjana hafa á viðgang fiskistofna Sogsins. Áfram verða gerðar rannsóknir á seiðabúskap á vatnasvæðinu líkt og gert hefur verið undanfarin ár. Með því móti verður áfram hægt að meta seiðaástand sem er mikilvægt við ákvarðanatöku vegna nýtingar fiskstofna á svæðinu og kunna að leiða til þess að tilefni verði til endurskoðunar þessarar nýtingaráætlunar á gildistíma hennar. Félagið mun leggja áherslu á erfðarannsóknir í þeim tilgangi að meta hlut einstakra laxastofna í göngum og veiðihlutfall þeirra. Upplýsingar úr rannsóknnum verða nýttar til að setja þau viðmiðunarmörk fyrir stærð einstakra hrygningarstofna vatnasvæðisins sem þarf til að skila hámarksnýliðun eftir hvert foreldri.

Einstaklingsskrá skal alla veiði í samræmi við 13. gr. laga um lax- og silungsveiði og eftir samræmdu formi Hafrannsóknastofnunar. Upplýsingar skulu sendar Hafrannsóknastofnun um fjölda neta og þann tíma sem þau liggja í viku hverri og fjölda stangardaga. Skrá skal alla stang- og netaveiði og veita sem nákvæmastar upplýsingar um hvern einstakling m.a. lengd, þyngd og kyn.

Merktir fiskar eru veiðiuggakliptir og örmerki eru falin í trjónu laxins og afskorinn veiðiuggi er eina ytra einkenni um örmerkingu. Þegar veiðiuggaklipptur lax veiðist þarf að skera af honum trjónuna fyrir framan augu og skila henni til Hafrannsóknastofnunar, Skúlagötu 4, 101 Reykjavík, með eftirfarandi upplýsingum:

- veiðivatn, veiðistaður og veiðidagur
- fisktegund, lengd og þyngd
- nafn og heimilisfang veiðimanns

V. Markmið, gildistími og endurskoðun nýtingaráætlunar Veiðifélags Árnesinga.

Markmið laga nr. 61/2006 um lax- og silungsveiði er að tryggja að veiðinýting sé sjálfbær. Með sjálfbærni er átt við að framleiðslugetu stofna sé viðhaldið. Nýtingaráætluninni er ætlað að fastákveða veiðitímann og kveða á um veiðinýtingu til framtíðar. Í ljósi ákvæða þessa kafla um endurskoðun á gildistímanum og ákvæða 24. gr. laga nr. 61/2006 um lax- og silungsveiði³ þykir ekki varhugavert að nýtingaráætlunin gildi til 5 ára, frá og með 2022

³ ■ 24. gr. *Svæðisbundin friðun lax og göngu- og vatnasilungs.*

Ef nauðsyn ber til að draga úr veiði eða friða heilt vatn eða hluta þess um tiltekinn tíma gegn allri veiði eða takmarka einstakar veiðiaðferðir í vatninu til verndar fiskstofnum þess getur [Fiskistofa] ¹⁾ sett reglur um slíka friðun, að fenginni tillögu eða umsögn [Hafrannsóknastofnunar]. ²⁾ Áður en slíkar reglur eru settar skal jafnan leita umsagnar viðkomandi veiðifélags eða veiðiréttarhafa, þar sem ekki er veiðifélag.

[Með sömu skilmálum og greinir í 1. mgr. er Fiskistofu heimilt, að fenginni umsögn [Hafrannsóknastofnunar], ²⁾ að setja reglur um friðun tiltekinna svæða í vatni, þar sem fiskur safnast saman til hrygningar, eða vegna fyrirstöðu á göngu, enda sé veiði á þeim stöðum skaðleg fiskstofnum vatnsins.] ³⁾

Friðun skv. 2. mgr. getur ýmist verið bundin við tiltekinn tíma eða ótímabundin. Ef sannað þykir að bann eða

til og með 2026, að því gefnu að nýtingaráætlunin verði staðfest af Fiskistofu að fenginni umsögn Hafrannsóknastofnunar.

Markmið nýtingar er að tryggja hámarksafurkastur veiðistofnsins, þannig að hrygningar- og uppeldissvæði laxaseiða séu fullnýtt. Ekki er enn þekkt hver stofnstærð laxa er á vatnasvæði Ölfusár-Hvítár eða hve hrygningarstofninn þarf að vera stór og ekki hægt að vita með nákvæmni fyrirfram hve stór gangan verður eða hvort eða hve mikið má veiða án þess að gengið sé á framleiðslugetu stofnsins. Rannsóknir, þar sem fisktalningar og veiðiskráningar eru fyrir hendi, hafa sýnt að almennt er góð fylgni milli laxveiði og stofnstærðar í íslenskum ám og veiðin því að gefa allgott mat á stofnstærð. Seiðarannsóknir Hafrannsóknastofnunar hafa sýnt að allgott samband er á milli seiðapéttleika eins árs laxaseiða á vatnasvæði Ölfusár-Hvítár í heild og nýliðunar laxa og því gefur mat á seiðapéttleika sterkar vísbendingar um hver stærð hrygningarstofns viðkomandi árgangs hefur verið. Greining Hafrannsóknastofnunar á sambandi stærðar hrygningarstofns og nýliðunar hjá laxi á vatnasvæði Ölfusár og Hvítár sýnir að hámarks nýliðum fyrir vatnasvæðið í heild er við þéttleikavísitölu seiða sem svarar 11,6 eins árs seiðum á hverja 100 m² botnflatar í seiðamælingum, aðgerðarmörk eru við 10,4 seiði/100 m² og varúðarmörk við 5,8 seiði/100 m². Aðgerðarmörk eru þau mörk þar sem veiðiþol er skert og ráðlagt að grípa til aðgerða og varúðarmörk þar sem ekki er lengur veiðiþol. Aðgerðir miða að því að stækka hrygningarstofninn, auka þéttleika seiða og framleiðslu á nýjan leik. Með þeirri uppbyggingu aukist stofnstærð, veiðiþol og veiðinýting að nýju.

Þéttleikavísitala ræður því hvort auka skuli eða draga úr veiðifriðun og byggir á eftirfarandi viðmiðum:

- Þéttleikavísitala 1⁺ laxaseiða 10,4 seiði/100 m² eða meiri í tvö ár eða fleiri í röð, ekki þörf á frekari veiðitakmörkunum (**grænt**).
- Þéttleikavísitala 1⁺ laxaseiða undir aðgerðarmörkum, 10,4 – 5,8 seiði/100 m² í þrjú ár eða fleiri í röð, aðgerða er þörf með frekari veiðitakmörkunum (**gult**).
- Þéttleikavísitala 1⁺ laxaseiða undir varúðarmörkum, 5,8 seiði/100 m² þrjú ár í röð. Ástand stofns metið alvarlegt og enn frekari aðgerða er þörf. Útfærsla í samvinnu við veiðiráðgjöf Hafrannsóknastofnunar og Fiskistofu (**rautt**).

Verði tilefni til aðgerða byggt á framangreindum viðmiðum hefur stjórn Veiðifélags Árnesinga heimild til að bregðast við og ákveða að stytta eða lengja veiðitíma stanga og neta um eina viku frá því sem kveðið er á um í þessari nýtingaráætlun og einnig ákveða að að skylt sé að sleppa öllum laxi eftir stangveiði tveimur vikum lengur en kveðið er á um. Ákvörðun um lengri tímabil krefst hins vegar samþykkis aðalfundar.

takmörkun valdi tilteknum veiðiréttarhafa tjóni umfram aðra skulu þeir veiðiréttarhafar við viðkomandi veiðivatn, sem bannið eða takmörkunin er fyrst og fremst til hagsbóta fyrir, bæta tjónið. Ef eigi semst skal ákveða bætur með mati skv. VII. kafla laga þessara.

¹⁾[L. 81/2008, 8. gr.](#) ²⁾[L. 113/2015, 7. gr.](#) ³⁾[L. 157/2012, 20. gr.](#)

Telji félagsmaður tilefni til endurskoðunar á gildistíma nýtingaráætlunarinnar skal hann senda stjórn félagsins rökstutt erindi.

Verði aukin friðun tilefni til endurskoðunar nýtingaráætlunar og bregðast þarf við umfram framangreindar heimildir stjórnar skal stjórnin í samvinnu við Hafrannsóknastofnun leggja mat á hvaða markmiðum eigi að ná með aukinni veiðifriðun, hvort sérstækra aðgerða sé þörf varðandi einstakar ár og hvernig eigi að ná þessum markmiðum t.d. með minni veiðisókn stanga og neta og þannig að komi sem jafnast niður á félagsmenn. Tillögur stjórnar um breytingar á nýtingaráætlun skulu sendar félagsmönnum með aðalfundarboði og verða bornar undir aðalfund til samþykktar eða synjunar. Verði breytt nýtingaráætlun samþykkt tekur hún gildi eftir staðfestingu Fiskistofu að fenginni umsögn Hafrannsóknastofnunar.

Endurskoðun nýtingaráætlunar við lok gildistíma hennar skal haga þannig að komi ekki fram breytingatillaga fyrir árslok 2025 skal stjórn félagsins senda óbreytta áætlun til 5 ára til umsagnar Hafrannsóknastofnunar og hún síðan borin upp á aðalfundi félagsins til samþykktar eða synjunar. Verði hún samþykkt fer hún til staðfestingar Fiskistofu að fenginni umsögn Hafrannsóknastofnunar eins og lög gera ráð fyrir.

Nýtingaráætlunin tekur til alls félagssvæðis Veiðifélags Árnesinga þ. á m. Stóru-Laxár og Tungufljóts.

VI. Áætlun um veiðinýtingu.

1. Ráðstöfun veiði.

Aðalfundur Veiðifélags Árnesinga ár hvert ákveður veiðitilhögun fyrir næstkomandi almanaksár, þ.e. hvort ráðstafa eigi veiði til félagsmanna eða til annarra en félagsmanna. Tillögu um að ráðstafa veiði til annarra en félagsmanna skal auglýst í aðalfundarboði sbr. 4. gr. samþykta Veiðifélags Árnesinga nr. 991. Félagsmenn og deildir þurfa þar af leiðandi að hafa fyrirvara um þetta í langtímasamningum sínum um leigu veiðiréttar eða sölu veiðileyfa.

2. Veiðitími og veiðiaðferðir.

Fyrirliggjandi niðurstöður rannsókna Hafrannsóknastofnunar á fiskistofnum svæðisins og þróun veiða benda til að aukinnar friðunar sé þörf. Mikilvægt er að félagið eigi frumkvæði að aukinn friðun og hefst netaveiði seinna en hingað til svo tryggja megi sem best að stórlaxinn geti dreyft sér um vatnasvæðið og er því veiði takmörkuð enn frekar en kveðið er á um í lögum um lax- og silungsveiði. Með þessum auknu takmörkunum á veiðitíma og að í stangveiði færast í vöxt að sleppa veiddum fiski eftir veiði telur félagið ekki varhugavert að heimila deildum við Stóru-Laxá og Tungufljót að veiða lengur fram á haustið en öðrum eins og verið hefur en þar hagar svo til um veiði að deildirnar eru við ár efst á vatnasvæðinu og lax gengur að jafnaði seint í þær. Stóra-Laxárdeild hefur frá árinu 2010 friðað fyrir allri veiði um 8 km svæði í Stóru-Laxárgljúfrum, frá Ármótum að Uppgöngugili. Aðeins hefur verið veitt á flugu og skylt að sleppa öllum laxi á svæði fjögur og á hinum svæðunum þremur skylt að sleppa stórlaxi og smálaxakvótinn aðeins einn lax á

dag á hverja stöng. Þá telur félagið ekki varhugavert að stangveiði byrji 21. júní ef öllum laxi er sleppt eftir veiði til og með 30. júní. Ákveði deild að veiða eftir 24. september þá skal að sama skapi og gildir í upphafi veiðitímans öllum laxi sleppt eftir veiði þá daga. Þá daga sem skylt er að sleppa laxi eftir stangveiði skal veitt með agni án agnhalds. Félagið telur að eftirfarandi veiðitími sé í samræmi við varúðarreglu lax- og silungsveiðilaga og markmið laganna um sjálfbærni og þar skiptir endurskoðunarákvæði nýtingaráætlunarinnar máli.

Á gildistíma þessarar nýtingaráætlunar er félagsmönnum Veiðfélags Árnesinga á vatnasvæði Ölfusár-Hvítár frjálst hverjum fyrir landi sinnar jarðar að veiða:

- a) Silung frá og með 1. apríl til og með 24. september.
- b) Lax í net frá og með 1. júlí til og með 24. september.
- c) Lax á stöng frá og með 21. júní til og með 24. september en skylt er að sleppa öllum laxi eftir veiði frá 21. júní til og með 30. júní. Deildir geta ákveðið að veiðitími hefjist og honum ljúki síðar en þó ekki lengur en til og með 30. september. Sami veiðidagafjöldinn á við um deildir og aðra félagsmenn sem veiða lax á stöng. Stjórn deildar skal tilkynna til formanns Veiðifélags Árnesinga hvenær veiði hefst og hvenær henni lýkur.

Deildir ráðstafa veiði og arði til sinna félagsmanna á félagssvæði sínu.

Veiða má í lagnet, króknet eða á stöng í samræmi við fyrirmæli laga nr. 61/2006, um lax- og silungsveiði.

Daglegur veiðitími á laxi og göngusilungi á stöng fer saman frá kl. 7-13 og 16-22. Eftir 20. ágúst frá kl. 7-13 og 15-21. Vikulegur veiðitími neta er frá kl. 10 að þriðjudagsmorgni til kl. 22 að föstudagskvöldi.

Daglegur veiðitími staðbundins silungs er frá kl. 8-21.

Mælst er til að silungsveiði, net og stöng, verði ekki stunduð á laxveiðisvæðum 15 daga fyrir laxveiðitímann og að stórlaxi (70 cm eða stærri) verði sleppt eftir veiði þar sem því verður við komið. Ítrekað er að öllum laxi skal sleppt eftir stangveiði frá og með 21. júní til og með 30. júní og þá daga sem deildir ákveða að lengja veiðitímann eftir 24. september. Sleppa skal allri sjógenginni bleikju í vorveiði og mælst er til þess að það sé gert eftir því sem því verður við komið yfir veiðitímann.

3. Reglur um netaveiði.

Eftirfarandi ákvæði laga nr. 61/2006, um lax- og silungsveiði, kveða á um þær lögbundnu takmarkanir sem þeir þurfa að sæta sem netaveiði stunda á félagssvæðinu.

■ 22. gr. Gönguhelgi.

- Í straumvatni eða hluta straumvatns þar sem veiði er stunduð með föstum veiðivélum skal fiskur eiga frjálsa för eftir miðju vatni og nefnist þar gönguhelgi.
- Gönguhelgi tekur yfir þriðjung af breidd straumvatns um miðbik og ósasvæði skv. 1. mgr. 21. gr. Þó skal fiskur eiga frjálsa för eftir aðalstraumlínu, þótt skemmra liggi frá bakka en nemur þriðjungi af breidd vatns.
- Nú rennur straumvatn í kvíslum og skal þá haga veiði í hverri kvísl sem hún væri sérstakt vatn.
- Nú greinir menn á um gönguhelgi eða aðalstraumlínu og skal þá skorið úr með mati skv. VII. kafla laga þessara.

■ **27. gr. Veiditæki og veiðiaðferðir í straumvatni.**

- Í straumvatni má við veiðar aðeins nota færi, stöng, lagnet og króknet.
- Ekki má í straumvatni veiða fisk með krók eða sting eða í háf. Þó má nota þessi tæki til þess að bjarga á land fiski sem fastur er á öngli eða í neti. Ekki má veiða fisk með því að veita af honum vatni.
- [Fiskistofa] ¹⁾ getur, að fenginni umsögn [Hafrannsóknastofnunar], ²⁾ heimilað veiðifélagi eða veiðiréttarhafa ádráttarveiði á göngusilungi á veiðisvæði sínu. Ádráttarveiði á laxi er einungis heimil í vísindaskyni og til öflunar klakfisks. [Fiskistofu] ¹⁾ er einnig heimilt að leyfa veiði með girðingum og kistum þar sem sérstaklega hagar til, enda setji hún með sama skilorði ákvæði um gerð og notkun þessara veiðitækja umfram það sem segir í lögum þessum.
- Ekki er heimilt að stunda samhliða veiði á stöng og veiði með föstum veiðivélum eða ádrætti á sama svæði í straumvatni eða svæði stöðuvatns þar sem göngufiskur fer um.

¹⁾L. 81/2008, 8. gr. ²⁾L. 113/2015, 7. gr.

■ **28. gr. Fastar veiðivélar í straumvatni.**

- Lagnet og króknet skulu liggja frá bakka eða garði er gengur þvert á straum út frá bakka, beint út í straumvatn eða forstreymis. Leiðara má hafa frá krók, og telst hann hluti veiðivélar. Ekki má leggja lagnet svo að af verði gildra, og ekki má nota tvöföld net.
- Á tímabilinu frá 20. maí til 30. september ár hvert mega net þau er í 1. mgr. greinir, á þeim svæðum sem lax gengur um, ekki vera smáriðnari en svo að 4,5 cm séu á milli hnúta, þegar net eru vot, og á sama við um leiðara frá krókneti eða öðrum föstum veiðivélum.
- Veiðifélag setur reglur um gerð og möskvastærð silungsveiðineta á félagssvæði sínu ef ætlunin er að stunda þar netaveiðar á silungi. Slíkar reglur skulu samþykktar af [Fiskistofu], ¹⁾ að fenginni umsögn [Hafrannsóknastofnunar]. ²⁾
- Milli fastra veiðivéla, hvort sem þær eru sömum megin í straumvatni eða ekki, skal jafnan vera hundrað metra bil eftir endilöngu vatni, þar sem skemmst er á milli þeirra. Þó má bil aldrei vera skemmra en fimmföld lengd veiðivéla frá bakka og út á vatn. Til fastrar veiðivélar telst fjarlægð hennar frá bakka straumvatns, svo og leiðari.
- Ekki má fjölga föstum veiðivélum frá því sem var síðustu fimm árin fyrir gildistöku laga nr. 53/1957, um lax- og silungsveiði. [Fiskistofa getur þó, ef sérstaklega stendur á og að fenginni umsögn [Hafrannsóknastofnunar], ²⁾ heimilað fjölgun lagna.] ³⁾
- [Ef heimil veiðitæki samkvæmt lögum þessum þykja stofna viðgangi fiskstofns í veiðivatni í hættu er Fiskistofu heimilt að fækka föstum veiðivélum í því vatni. Skal áður aflað umsagnar [Hafrannsóknastofnunar] ²⁾ og viðkomandi veiðifélags eða veiðiréttarhafa, þar sem ekki er veiðifélag.] ³⁾
- Ef sannað þykir að ákvarðanir [Fiskistofu] ¹⁾ skv. 5. mgr. valdi tilteknum veiðiréttarhafa tjóni umfram aðra veiðiréttarhafa í sama veiðivatni skulu þeir veiðiréttarhafar, sem ákvörðunin er fyrst og fremst til hagsbóta fyrir, bæta tjónið. Skulu bætur ákveðnar með mati skv. VII. kafla laga þessara, ef eigi semur.

¹⁾L. 81/2008, 8. gr. ²⁾L. 113/2015, 7. gr. ³⁾L. 157/2012, 20. gr.

4. Reglur um stangveiði.

4.1. Lagaákvæði.

Eftirfarandi ákvæði laga nr. 61/2006, um lax- og silungsveiði, kveða á um þær takmarkanir sem þeir þurfa að sæta sem stangveiði stunda á félagssvæðinu.

■ **29. gr. Stangveiði í straumvatni.**

- Við veiði með færi og stöng skal nota agn, lifandi eða dautt, sem fiskur eltir og tekur. Aldrei má við slíka veiði nota krækjur eða neitt annað sem festir í fiski honum að övörum og án þess að hann elti það.

4.2. Agn og laxastangafjöldi.

Þá daga sem félagsmönnum er skylt að sleppa laxi eftir stangveiði skal nota agn án agnhalds. Félagsmönnum og deildum er á öðrum tímum í sjálfsvald sett hvaða agn er heimilað og hvort sett sé skilyrði í leigusamningum við útleigu eða sölu veiðileyfa að

sleppa fiski. Mælst er til að stórlaxi (70 cm eða stærri) sé sleppt eftir veiði og veitt sé með agni án agnhalds.

Í töflu 1 kemur fram fjöldi stanga á laxveiðisvæðum sem heimild er fyrir á gildistíma þessarar nýtingaráætlunar.⁴ Fjöldi stanga er yfirleitt bundinn við ákveðnar jarðir en t.d. í Stóru-Laxá og Tungufljóti er svæðaskipting. Ef tekin verður upp stangveiði á jörðum þar sem fyrir er aðeins netaveiði, hvort sem hún er stunduð eða ekki, er heimilt án samþykkis félagsins að veiða með einni stöng fyrir hvert net sem tekið er upp og heimild er fyrir í lögnum um lax- og silungsveiði. Verði óskað eftir leyfi fyrir fleiri stöngum en einni fyrir hvert net getur stjórn félagsins heimilað tvær stangir tímabundið fyrir hvert net en síðan fer stangarfjöldinn í lögboðið ferli þegar kemur að endurskoðun nýtingaráætlunar. Gert er ráð fyrir að stöngum geti fjölgað lítillega vegna upptöku neta en ekki af öðrum ástæðum. Þar sem veiði er stunduð frá hverri jörð fyrir sig eru jarðarmörk jafnframt mörk veiðisvæða.

Fjöldi laxveiðistanga á vatnasvæði Ölfusár-Hvítár skipt eftir ám, ásamt fjölda laxveiðistanga á hvern km árfarvegur

<i>Vatnsfall</i>	<i>Fiskgengt km</i>	<i>Laxveiðistangir</i>	<i>Stangir á hvern fiskgengan km</i>
Tungufljót ⁵	11	8	0,73
Stóra-Laxá	41	10	0,24
Litla-Laxá	23	2	0,09
Brúará	25	2	0,08
Hvítá	68	40	0,59
Sog	13	13	1,00
Ölfusá	25	12	0,48
Samtals		85	

Í **Tungufljóti** er veitt með 8 stöngum fyrir neðan fossinn Faxa. Á því svæði eru að jafnaði 0,73 stangir á hvern km árfarvegur.

Í **Stóru-Laxá** eru veiðisvæðin fjögur og laxaveiðistangirnar 10. Neðstu tvö svæðin (svæði 1 og 2) eru veidd saman og ná frá landamerkjum Iðu að vestan og Litlu-Laxár að austan að og með Illakeri og þar er veitt með 4 stöngum. Veiðisvæði 3 er frá og með Rauðuskriðum að og með Undirgangi og þar eru leyfðar 2 stangir. Efsti veiðisvæðið (svæði 4) nær frá og með Bláhyl að og með Uppgöngugili í Laxárgljúfrum og eru þar leyfðar 4 stangir. Í ánni eru að jafnaði 0,24 laxastangir á hvern km árfarvegur.

Í **Litlu-Laxá** er heimilt að veiða með tveimur laxastöngum, óstaðbundið.

Í **Brúará** hefur tveimur laxastöngum verið úthlutað við Hagós. Á jörðum við Brúará, **Hagaós, Hólaá, Fullsæl, og Andalæk** er nær eingöngu bleikju- og urriðaveiði þó þar fái stundum lax. Í Brúará eru 0,08 laxveiðistangir á hvern km.

Í **Hvítá** er heimild til veiða með 40 laxastöngum. Veiðisvæðin eru eftirfarandi, talið ofan frá: Tungufell og Jaðar (2), Haukholt (2), Höfði (2) Iða I og II (3), Skálholt (2) Gíslastaðir (3), Hamrar (3), Hestur (2), Hjálmholt (2) Kiðjaberg (3), Langholt I (2),

⁴ Úthlutun laxastanga og fjöldi byggir á skiptingu Veiðimálastjóra frá fyrri tíð og fylgt hefur verið um árabíl.

⁵ Tungufljót neðan Faxa.

Langholt II (1) Hallandi (1), Oddgeirshólar (2), Snæfoksstaðir (3), Stóra-Ármót (3), Vaðnes (2) og Öndverðanes (2). Á framangreindum jörðum er von á laxi þótt í mismiklum mæli sé og fyrst og fremst þar sem bergvatns gætir. Á sumum þessara jarða hefur stangveiðisókn verið mjög lítil undanfarin ár. Í Hvítá eru 0,59 laxveiðistangir á hvern km.

Í **Sogi** er heimilt að veiða með 13 laxastöngum. Veiðisvæðin eru talið ofan frá; Syðri-Brú (1) Bíldsfell og Tunga (3), Ásgarður (3), Torfastaðir I og II (2), Þrastarlundur (1), Alviðra (3). Í Sogi eru 1,0 laxastangir á hvern km árfarvegur. Í Ásgarðslæk hefur verið stunduð lítilsháttar stangveiði af landeigendum.

Í **Ölfusá** er heimild til veiða með 16 laxastöngum. Veiðisvæðin eru eftirfarandi talið ofan frá: Tannastaðir (2), Laugarbakkar (2), Hellir-Fossnes (6), Árbær (2). Að jafnaði eru 0,48 laxveiðistangir á hvern km árfarvegur í Ölfusá.

Í þessari upptalningu eru ekki silungastangir en miðað er við að þar sem veiddur er silungur á laxveiðisvæðum utan laxveiðitíma verði stangafjöldi sá sami. Fjöldi silungastanga er ekki þekktur á vatnasvæðinu og á sumum veiðisvæðum er hann ekki háður takmörkunum af hálfu veiðifélagsins. Verður þetta fyrirkomulag silungsveiða á vatnasvæðinu óbreytt með fyrirvara um að á gildistíma nýtingaráætlunarinnar verði ekki talið tilefni til endurskoðunar.

Nýtingaráætlun þessi var borin upp á aðalfundi Veiðifélags Árnesinga til samþykktar eða synjunar þann 8. apríl 2021 og var _____ með meirihluta atkvæða.

Ákvæði laga nr. 61/2006 um lax- og silungsveiði

■ 13. gr. Veiðiskýrslur.

- Gera skal skýrslu um veiði í sérhverju veiðivatni og netlögum sjávarjarða og hvílir skylda til skýrslugjafar á handhafa veiðiréttar og sérhverjum þeim er veiði stundar.
- [[Hafrannsóknastofnun] ¹⁾ safnar veiðiskýrslum í samræmdu formi sem stofnunin útbýr og leggur til í umboði Fiskistofu. Veiðiskýrslur teljast opinber gögn og almennar upplýsingar úr veiðiskýrslum skulu jafnframt vera aðgengilegar almenningi sem og öðrum rannsóknar- og ráðgjafaraðilum samkvæmt ákvörðun Fiskistofu.] ²⁾
- Veiðifélög eða veiðiréttarhafar, þar sem ekki er veiðifélag, skulu sjá til þess að skýrslur séu gefnar um veiði í sérhverju veiðivatni og að þeim sé skilað til [Fiskistofu]. ³⁾ ... ²⁾
- Ráðherra getur með reglugerð sett nánari fyrirmæli um skráningu veiði.

¹⁾L. 113/2015, 7. gr. ²⁾L. 81/2008, 10. gr. ³⁾L. 81/2008, 8. gr.

■ 17. gr. Veiðitími lax.

- Laxveiðar eru heimilar á tímabilinu frá 20. maí til 30. september ár hvert, en þó aðeins í 105 daga innan þess tímabils. [Fiskistofu] ¹⁾ er heimilt, að fenginni umsögn [Hafrannsóknastofnunar], ²⁾ að lengja veiðitíma í allt að 120 daga og allt til 31. október ár hvert í þeim veiðivötnum þar sem fyrst og fremst er veitt úr stofnum sem viðhaldið er með viðvarandi sleppingu seiða. Þá er [Fiskistofu], ¹⁾ að fenginni umsögn [Hafrannsóknastofnunar], ²⁾ heimilt að lengja um allt að fimmtán daga veiðitímabil skv. 1. másl. í þeim veiðivötnum þar sem öllum laxi er sleppt.
- Á veiðitíma þeim sem um getur í 1. mgr. skal lax vera fríðaður fyrir allri veiði a.m.k. 84 stundir í viku hverri. Netaveiði má aldrei stunda frá föstudagskvöldi klukkan 22 til þriðjudagsmorguns klukkan 10.
- Ef lax veiðist á tímabilinu frá 1. apríl og þar til veiðitími skv. 1. mgr. hefst er skylt að sleppa slíkum fiski.
- Veiðifélög eða veiðiréttarhafar, þar sem ekki eru veiðifélög, skulu setja nánari reglur um veiðitíma og veiðitakmarkanir í einstökum veiðivötnum. Slíkar reglur. nýtingaráætlun, skal [Fiskistofa] ¹⁾ staðfesta að fenginni umsögn [Hafrannsóknastofnunar]. ²⁾ Sinni veiðifélög eða veiðiréttarhafar ekki þessari skyldu sinni getur [Fiskistofa]. ¹⁾ að eigin frumkvæði, sett slíkar reglur.
- Í reglum skv. 4. mgr. er m.a. heimilt að kveða á um eftirfarandi atriði:
- a. fjölda veiðidaga skv. 1. mgr.,
- b. takmarkanir á notkun tiltekinna veiðitækja á ákveðnum tímabilum,
- c. ákvörðun um daglegan veiðitíma,
- d. ákvörðun um mörk veiðisvæða.

¹⁾L. 81/2008, 8. gr. ²⁾L. 113/2015, 7. gr.

18. gr. Veidítími göngusilungs.

Veiðar göngusilungs eru heimilar frá 1. apríl til 10. október ár hvert, en í veiðivatni, þar sem megnið af veiðinni er villtur laxastofn, skulu lok veiðitíma miðast við 30. september ár hvert. Þó getur [Fiskistofa], ¹⁾ að fenginni umsögn [Hafrannsóknastofnunar], ²⁾ heimilað stangveiðar utan þess veiðitíma í veiðivötnum þar sem slíkar veiðar hafa verið stundaðar.

Á veiðitíma þeim sem um getur í 1. mgr. skal göngusilungur vera friðaður gegn allri veiði 84 stundir í viku hverri. Netaveiði má aldrei stunda frá föstudagskvöldi klukkan 22 til þriðjudagsmorguns klukkan 10.

Veidifélög eða veiðiréttarhafar, þar sem ekki eru veiðifélög, skulu setja nánari reglur um veiðitíma og veiðitakmarkanir í einstökum veiðivötnum. Slíkar reglur, nýtingaráætlun, skal [Fiskistofa] ¹⁾ staðfesta að fenginni umsögn [Hafrannsóknastofnunar]. ²⁾ Sinni veiðifélög eða veiðiréttarhafar ekki þessari skyldu sinni getur [Fiskistofa]. ¹⁾ að eigin frumkvæði, sett slíkar reglur.

Í reglum skv. 3. mgr. er m.a. heimilt að kveða á um eftirfarandi atriði:

a. fjöldi veiðidaga skv. 1. mgr. vegna dorgveiði.

b. takmarkanir á notkun tiltekinna veiðitækja á ákveðnum tímabilum.

c. ákvörðun um daglegan veiðitíma.

d. ákvörðun um mörk veiðisvæða.

¹⁾L. 81/2008, 8. gr. ²⁾L. 113/2015, 7. gr.

19. gr. Veidítími vatnasilungs.

Veiðar á vatnasilungi eru heimilar frá 1. janúar til 31. desember ár hvert.

Veiðifélög eða veiðiréttarhafar, þar sem ekki eru veiðifélög, skulu setja nánari reglur um veiðitíma og veiðitakmarkanir í einstökum veiðivötnum. Slíkar reglur, nýtingaráætlun, skal [Fiskistofa] ¹⁾ staðfesta að fenginni umsögn [Hafrannsóknastofnunar]. ²⁾ Sinni veiðifélög eða veiðiréttarhafar ekki þessari skyldu sinni getur [Fiskistofa], ¹⁾ að eigin frumkvæði, sett slíkar reglur.

Í reglum skv. 2. mgr. er m.a. heimilt að kveða á um eftirfarandi atriði:

a. alfriðun veiðivatns um tiltekið tímabil,

b. tímabundna friðun innan veiðitímabils, t.d. um ákveðinn daga- eða vikufjölda,

c. takmarkaðar veiðar til heimilisþarfa á friðunartíma,

d. friðun vatnasilungs á hrygningarstöðvum,

e. ákvörðun um mörk veiðisvæða.

¹⁾L. 81/2008, 8. gr. ²⁾L. 113/2015, 7. gr.

20. gr. Álaveiðar.

Álaveiðar eru heimilar allt árið. Að álaveiðum skal jafnan þannig staðið að veiðar og gengd lax og silungs spillist eigi.

[Ráðherra getur með reglugerð sett reglur um álaveiðar, m.a. um að banna eða takmarka álaveiðar um allt land eða á tilteknum svæðum ef það er talið nauðsynlegt að mati Hafrannsóknastofnunar.] ¹⁾

Veidifélög eða veiðiréttarhafar, þar sem ekki eru veiðifélög, skulu setja nánari reglur um veiðitíma og veiðitakmarkanir í einstökum veiðivötnum. Slíkar reglur, nýtingaráætlun, skal [Fiskistofa] ²⁾ staðfesta að fenginni umsögn [Hafrannsóknastofnunar]. ³⁾ Sinni veiðifélög eða veiðiréttarhafar ekki þessari skyldu sinni getur [Fiskistofa], ²⁾ að eigin frumkvæði, sett slíkar reglur. Í slíkum reglum skal m.a. kveðið á um tíma- eða staðbundnar friðanir áls og gerð og frágang heimilla veiðitækja.

¹⁾L. 29/2018, 1. gr. ²⁾L. 81/2008, 8. gr. ³⁾L. 113/2015, 7. gr.

29. gr. Stangveiði í straumvatni.

Við veiði með færi og stöng skal nota agn, lifandi eða dautt, sem fiskur eltir og tekur. Aldrei má við slíka veiði nota krækjur eða neitt annað sem festir í fiski honum að óvörum og án þess að hann elti það.

Veidifélag eða veiðiréttarhafar, þar sem ekki eru veiðifélög, skulu setja nánari reglur um stangveiði á veiðisvæði sínu [fyrir tilgreindan árafjölda]. ¹⁾ Slíkar reglur, nýtingaráætlun, skal [Fiskistofa] ²⁾ staðfesta að fenginni umsögn [Hafrannsóknastofnunar]. ³⁾ Sinni veiðifélög eða veiðiréttarhafar ekki þessari skyldu sinni getur [Fiskistofa]. ²⁾ að eigin frumkvæði, sett slíkar reglur.

Í reglum skv. 2. mgr. skal kveða á um eftirfarandi atriði:

a. fjöldi stanga sem á má veiða hverju sinni.

b. aðra tilhögun veiði sem nauðsynleg þykir.

Ef ágreiningur rís um skiptingu veiðitíma, veiðistaði eða endurgjald fyrir stangveiði milli veiðiréttarhafa er þeim sem telur sig vanhaldinn heimilt að krefjast mats skv. VII. kafla laga þessara, ef eigi semur.

¹⁾L. 14/2014, 1. gr. ²⁾L. 81/2008, 8. gr. ³⁾L. 113/2015, 7. gr.

30. gr. Veiðitæki og veiðiaðferðir í stöðuvötnum.

Í stöðuvatni má við veiðar aðeins nota færi, dorg, stöng, lóð, lagnet og ádráttamet. Í almenningi stöðuvatns er ádráttarveiði þó óheimil.

Ekki má í stöðuvatni veiða fisk með krók eða sting eða í háf. Þó má nota þessi tæki til þess að bjarga á land fiski sem fastur er á öngli eða í neti.

Veidifélag eða veiðiréttarhafar, þar sem ekki eru veiðifélög, skulu setja nánari reglur um veiði á veiðisvæði sínu. Slíkar reglur, nýtingaráætlun, skal [Fiskistofa] ¹⁾ staðfesta að fenginni umsögn [Hafrannsóknastofnunar].

Ákvæði samþykka fyrir Veiðifélag Árneseinga nr. 991 frá 10. október 2008.

4. gr.

Verkefni félagsins er að viðhalda góðri fiskgengd á félagssvæðinu og stuðla að sjálfbærri nýtingu fiskistofna og efla arðsemi veiðihlunninda á félagssvæðinu og ráðstafa veiði sem hér segir:

1. Leiga á stangveiði.
2. Heimila félagsmönnum veiði í fastar veiðivélar eða á stöng.

Ráðstafa mega þeir stangaveiði til annarra með þeim takmörkum, sem veiðitilhögun félagsfunda og lög segja. Óheimilt er að stunda neta- og stangaveiði samhliða á sama veiðisvæði fyrir landi viðkomandi jarðar eða landareignar. Félaginu ber einnig að vernda vistkerfi vatnafiska á félagssvæðinu og koma í veg fyrir að verklegar framkvæmdir eða önnur starfsemi skaði lífríki þess.

Ef ráðstafa á veiði til annarra en félagsmanna á félagsfundi, þarf að geta þess í fundar-boði. Félagið tekur til allrar veiði á félagssvæðinu.

5. gr.

Óheimilt er öllum að veiða á félagssvæðinu nema aðalfundur eða annar fundur í félaginu, löglega boðaður, samþykki. Í samþykkt fundar skal tekið fram um veiðitíma og veiðitæki og samkvæmt þeim takmörkum sem lög og reglugerðir setja. Félagsmenn geta aðeins ráðstafað veiði til 1 árs í senn, nema lögmætur fundur samþykki og tekið sé fram í fundarboði að lengri leigutími verði til umræðu. Félagssvæðið og staðhættir.